

Quicquid uoluptas delicata congerit,
Gemmas, odores, uniones, thus, ebur :
Et quicquid æris æstimatur plutimi,
Has assequuntur nunc opes, lætissimi :
Egnatiana quos carina uexerit.

IN PAVLI CANALIS OBITVM.

Ingentem Italiae cladem Fortuna parabat
Horrida, tormentis, igne, cruore furens:
Sed, primi postq̄ frustra cessere tumultus,
Canduit, & maius pectore mouit opus.
Torua itaq; Euganeas deflexit lumina ad undas:
Plurima qua Adriacis Insula surgit aquis.
Hic uidet Aonia Canalem Cuspide Paulum
Barbara sollicita uertere castra manu:
Nec mora, quia totum Veneto subiecerit orbem
Doctrinae, aurato bella tridente gerens.
Tum secum, Veneti populis dant iura subactis,
Iura quoq; ingenii, eloquio' q; dabunt:
Hoc saltem prohibebo decus: simul improba Paulum
Excipit, hæc uicir, cedite iam Veneti.
Euganeam indepti totam, amisistis in uno
Atticum/Idumeum/Romuleumq; solum.

AD FRAN. PHILOMVSVM.

Si non uis Philomuse nos adire,
Distentus studio negotioso:
Dum Rhetor nitidissimus latinum
Veronam eloquium doces amcenam,
Te nostri fluuu' Altilis adibunt.

Nam quosdam tibi **Gamma**ros paratū:
 Qui antrorsum ueluti natant/ retrorsum
 Veloces redeunt/ pauore abacti.
 Octonis pedibus, rubente testa,
 Bini bracchiolis, minacibūsq;
 Et qui forcipibus caput minutum
 Dentatis bene muniunt, fouentq;
 Turba est mascula grandiore Chela
 Contra famina grandiore cauda.
 Atq; hæc nobilis arctiore Chela/
 Atq; hic nobilis arctiore cauda.
 Scin' quo prorsus honore censeantur?
 Si Pepo fluidam relaxet aluum/
 His uis sistere largius citatam.
 Ad morsum rabidæ canis medentur:
 Atq; ad uiper eos medentur ictus.
 Scin' doctis rabidas Canes nocere?
 Scin' doctis quoq; Viperas nocere?
 Nos (inquis) studio uacamus/ atq;
 Cura est, & stomachi, & cerebri habēda.
 Hi semper stomachū/ caputq; lædunt.
 Id præstant reliqui. Aureis in undis
 Quicquid nascitur; utile/ & salubre est.
AD AVG. DONATVM. HIER. F.
 Donate amice: qui disertæ Pallados
 Cultor quirinā, & atticā Musam tenes/
 Nixus paternis firmiter uestigiis:
 Ut qui potenti stirpe cedis nemini/